

Cartulaire de l'Abbaye de Redon en Bretagne: [832–1124], Nr. 165

Haec carta indicat atque conservat qualiter venit Roiantdreon, orationis causa, ad monasterium quod dicitur Roton, et ibi donavit Evangelium paratum ex auro et argento, in sua elemosina, mittens eum super altare, necnon et alodum quem habebat in Laneos, quem antea comparavit pater suus Loiesbritou de Roenuuallon, id est, totum dimidium hereditatis ipsius Roenuuallon tradidit Roiantdreon, in sua elemosina pro anima sua, Sancto Salvatori et monachis ibi habitantibus, ita dedit totum atque integrum supradictum alodum, cum massis et manentibus, cum terris et pratis, cum pascuis et aquis, et cum omni adpendicione sua, sine censu, sine tributo ulli homini nisi supradictis monachis. Facta est ista elemosina in die Adsumptionis Beate Mariae, post missam, tradens per suam manicam per altare, coram multis testibus: Portitoe, testis; Conuual, testis; Iarnhitin, testis; Conan, testis; Catloiant, testis; Ratfred, testis; Uuetenoc, testis; Cristian, testis; Conan de plebe Catin, testis; Courantdreh, testis; Loiesbidoë, testis; Callon, testis; Uurbudic, testis; Arthuiu, testis; Sulcomin; presbyter de Giliac, testis; Gerharth, testis; Uuoletec, testis; Edelfrit; testis; Loiesic, testis; Noli, testis; Uuorcomed, testis.